


諸葛武侯文集 序目一



漢書門類		九四三九	函號
一〇	二架	二函	冊架
一四	二冊		

內閣文庫		九四三九	函號
一〇	二架	二函	冊架
一四	二冊		

理學全

內閣文庫		番號	漢	9439
冊數	142	(3)
函號	299		47	



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



張大中丞訂

諸葛武侯文集

水衡祭婦
梓爰
翻板射
經正誼堂藏版

諸葛武侯文集序

淺草文庫

自三代以下聖學失傳雖有奇

傑之士不過隨世以就功名而

於聖賢治心經世之道槩乎其

未有聞也諸葛武侯應先主之

聘出扶漢鼎託孤寄命討賊出



師雖功業未究而舉動光明大節偉然三代以下不多見也武侯之學其淵源所自不可考然觀其言曰非澹泊無以明志非寧靜無以致遠此聖賢治心經世大本領武侯有得乎此故能

不爲物欲所搖奪而有以養其精明之識剛大之氣經綸事業皆從此出矣方其躬耕南陽抱膝長嘯優游艸廬間若將終身一日感三顧之遇遂許馳驅永安受遺不負顧托是莘野之阿

衡也平定蜀漢經畧中原制陣
行師隨機應變是鷹揚之尙父
也開誠布公集思廣益而鞠躬
盡瘁不計成敗利鈍則周公虛
懷下士之衷而孔子孟分別義利
之大旨也程子以爲武侯近王

佐之才又以爲有儒者氣象豈
不信哉至其經事綜物立法施
度史氏之所贊與後世所震而
稱之者皆其設施運用之迹而
未覩其本領之所存也吾以爲
三代而下若武侯者其於聖賢

治心經世之道幾矣世遠書亡
欲觀其全而不可得陳壽志載
其書目二十四自開府作牧以
下當是武侯經濟大畧今已無
存獨世所傳心書以爲武侯作
而陳壽書目無載然按五十章

中畧于將兵而詳于將將本于
自勉而歸于和人詞旨正大嚴
密軼孫吳司馬之上謂非武侯
所著不可若其表疏書教見于
史策者雖片言斷簡而公誠之
心形于文墨其陣法之變化占

驗制器之神工異巧皆有實用
亦窮理格物者所當考余故採
而輯之使學者讀其書論其世
而景仰其人而以師武侯之本
領不作三代以下人物也
康熙己丑初夏儀封張伯行孝


先甫題於榕城正誼堂



諸葛亮字孔明瑯琊陽都人漢司隸校尉諸葛豐後父珪
 字君貢漢末為太山郡丞亮早孤從父佺袁術表署豫章
 太守佺將亮及亮弟均之官會漢以朱皓代佺佺與荊州
 牧劉表有舊往依之既卒亮躬耕隴畝為梁甫吟每自比
 於管仲樂毅時人莫之許也惟博陵崔州平潁川徐庶元
 直謂為信然亮與庶及孟公威石廣元游學三人務於精
 熟而亮獨觀其大畧每晨夜抱膝長嘯顧謂三人曰卿輩
 仕進可至郡守刺史三人問其所至但笑而不答時先主
 屯新野徐庶見先主曰諸葛孔明者臥龍也將軍豈願見

諸葛武侯傳

諸葛亮字孔明瑯琊陽都人漢司隸校尉諸葛豐後父珪
 字君貢漢末為太山郡丞亮早孤從父佺袁術表署豫章
 太守佺將亮及亮弟均之官會漢以朱皓代佺佺與荊州
 牧劉表有舊往依之既卒亮躬耕隴畝為梁甫吟每自比
 於管仲樂毅時人莫之許也惟博陵崔州平潁川徐庶元
 直謂為信然亮與庶及孟公威石廣元游學三人務於精
 熟而亮獨觀其大畧每晨夜抱膝長嘯顧謂三人曰卿輩
 仕進可至郡守刺史三人問其所至但笑而不答時先主
 屯新野徐庶見先主曰諸葛孔明者臥龍也將軍豈願見



之乎先主曰君與俱來庶曰此人可就見不可屈致也將
軍宜枉駕顧之先主遂詣亮凡三往乃見先主屏左右請
曰漢室傾頽姦臣竊命主上蒙塵孤不度德量力欲信大
義於天下而智術淺短至於今日然志猶未已君謂計將
安出亮答曰自董卓以來豪傑並起曹操擁百萬之衆挾
天子以令諸侯此誠不可與爭鋒孫權據有江東國險而
民附此可以爲援而不可圖也將軍旣帝室之胄信義著
於四海若跨有荆益外結孫權內修政理則王業可成漢
室可興矣先主稱善於是與亮情好日密曰孤之有孔明
猶魚之有水也劉表長子琦亦雅敬亮表惑後妻之言愛

少子琮琦每向亮求自安之策亮輒拒阻一日與亮登樓
去梯謂亮曰今日上不至天下不至地言出子口入於吾
耳可以言未亮答曰君不見申生在內而危重耳在外而
安乎琦感悟會黃祖死出爲江夏太守表卒琮聞曹操來
征遣使請降先主在樊聞之率衆南行亮與庶從爲操所
破獲庶母庶辭先主曰本欲與將軍共圖王業今失老母
方寸亂矣無益於事請從此別先主至夏口亮曰事急矣
請求救孫將軍時權軍柴桑亮往說以成敗之機權大悅
遣周瑜程普魯肅等水軍三萬隨亮請先主并力敗操於
赤壁先主遂收江南以亮爲軍師中郎將督零陵桂陽長

沙三郡調其賦稅以克軍實建安十六年益州牧劉璋遣法正迎先主使擊張魯亮與關羽鎮荊州先主自葭萌還攻璋亮與張飛趙雲等率衆沂江分畧郡縣與先主合兵成都以亮署左將軍府事修明法度整肅紀綱二十六年群下勸先主稱尊號先主未許亮曰昔吳漢耿弇勸世祖卽帝位世祖固辭耿純進言曰天下英雄喁喁仰望如不從議士大夫各歸求主無爲從公也世祖感純言然之今曹氏篡漢天下無主大王劉氏苗裔紹世而起今卽帝位乃其宜也士大夫隨大王勤苦久矣亦欲望尺寸功如純言耳先主於是卽帝位策亮丞相錄尙書事假節章武二

年先主東征孫權以雪關羽之耻羣臣諫不從敗績三年春駐永安宮病篤召亮於成都屬以後事曰君才十倍曹丕必能終定大事若嗣子可輔輔之如其不才君可自取亮涕泣曰臣敢不竭股肱之力有死無二先主又詔勅後主曰汝與丞相從事事之如父建興元年封亮武鄉侯開府治事項之又領益州牧時邦家新造亮秉機衡撫百姓約官職修政治蜀人大和并荆越嵩諸郡叛撫而不討務農植穀閉關息民以秦宓爲別駕伍梁爲功曹杜微爲主簿譙周爲勸學從事遣鄧芝修好於吳吳遂絕魏魏華歆陳群各致書於亮使舉國稱藩亮作正議以絕之三年春

亮率衆南征馬謖送之曰用兵之道攻心爲上攻城爲下
願公服其心而已亮納其言秋七月捷聞生致孟獲使觀
於營陣之間縱之更戰七縱七擒復遣去獲曰公天威也
南人不復反矣南中平悉收其俊傑以爲官屬出其金銀
丹漆耕牛戰馬以給軍國之用五年拜表出師伐魏北駐
漢中使長史張裔參軍蔣琬統留府事辟廣漢太守姚伾
爲椽伾進文武之士亮稱之六年春由斜谷取郿使趙雲
鄧芝爲疑軍據箕谷魏將軍曹真拒之亮攻祁山號令明
肅南安天水安定三郡叛魏應亮關中響震魏命張郃拒
亮亮使馬謖督軍與郃戰於街亭謖違亮節度爲郃所破

亮拔西縣千餘家還漢中戮謖仍祭而泣之撫其遺孤蔣
琬謂亮曰天下未定而戮智謀之士豈不惜乎亮曰孫武
所以能制勝於天下者用法明也是以楊干亂法魏絳戮
其僕四海分裂兵交方始若復廢法何用討賊耶乃上疏
請貶三等以督厥咎於是亮爲右將軍行丞相事時趙
雲鄧芝兵亦敗於箕谷亮乃引咎責躬冬復出散關圍陳
倉曹真拒之亮糧盡而還魏將王雙追亮亮破之斬雙七
年亮遣陳式攻武都陰平魏雍州刺史郭淮擊式亮自出
建威淮退還遂平二郡蜀人皆賀亮愀然曰普天之下莫
非漢民國家威力未舉使百姓困於豺狼一夫有死皆亮

之罪以此相賀能不爲媿帝復策亮爲丞相是歲孫權稱尊號議者欲絕其盟好亮謂宜與吳盟乃遣衛尉陳震使吳稱賀九年亮伐魏復圍祁山以木牛運魏使司馬懿西屯長安懿歛兵依險軍不得交時蜀兵更者十二僚佐俱言賊勢衆盛宜權停更卒以助聲勢亮曰吾統武行師大信爲本更者束裝以待期妻子鶴望而計日雖臨大敵義所不廢悉遣行於是去者感悅願留一戰止者憤踊思致死命旣戰大敗魏兵六月亮以糧盡追軍懿遣張郃追之郃中飛矢死亮歸勸農講武息民休士十二年春亮出斜谷以流馬運據武功五丈原懿據渭南戎服蒞事亮乘素

輿葛中羽扇指揮三軍隨其進止懿嘆曰諸葛君可謂名士矣亮每患糧不繼分兵屯田以爲久計耕者雜居渭濱百姓安堵亮數挑戰懿不出遣懿中惴懿怒上表請戰魏使衛尉辛毗仗節制之姜維謂亮曰辛毗仗節而到賊不出矣亮曰彼本無戰情所以固請者以示武於衆耳將在軍君命有所不受豈必千里請戰耶亮遣使詣懿懿問寢食及事之煩簡使曰諸葛公夙興夜寐罰二十以上皆親覽焉所噉食不至數升懿語人曰孔明食少事煩其能久乎八月亮疾病帝使尙書僕射李福省視因諮國家大計誰可任者曰公琰其宜也復請誰可繼者曰文偉可又問

其次亮不答是日有大星殞營中遂卒年五十四初亮病
困時遣楊儀退軍計儀如其言懿追之則反旗鳴鼓若將
向懿者懿不敢逼儀全軍入谷然後發喪百姓諺曰死諸
葛走生仲達懿按其營壘處所曰天下奇才也亮遺命葬
漢中定軍山因山為墳僅足容棺斂以時服不殉器物贈
丞相武鄉侯印綬諡忠武侯景耀六年春詔立亮廟於河
陽亮弟均官至長水校尉子瞻嗣爵

諸葛武侯文集

卷之一

吟

梁父吟

對

草廬策對

表

為群下上漢帝請先主為漢中王表

儀封張伯行孝先甫訂

受業

壽寧柳璿
福安吳瑞馬
漳浦蔡衍鏡
海澄張如蕙

全校

薦呂凱表

前出師表

後出師表

彈廖立表

又

請宣大行遺詔表

彈李平表

臨終遺表

疏

街亭自貶疏

上事疏

公文

公文上尚書

議

正議

絕盟好議

諡葬甘皇后議

教

與群下教

又

勸將士勤攻已闕教

獎姚伯教

荅蔣琰教

作斧教

作匕首教

作鎧矛教

步軍教

與叅軍掾屬教

稱蔣琬教

稱董厥教

黜來敏教

書

為法正荅或問書

荅關雲長書

與杜微書

荅杜微書

荅李恢書

與劉巴書

又與劉巴論張飛書

荅李嚴書

又

與張裔書

又

與張裔蔣琬書

又

又

與張魯書

與蔣琬董允書

與孟達論李嚴書

答法正書

與步騭書

與李豐書

與孟達書

與陸遜書

與孫權書

又

與兄瑾書

其二

其三

其四

其五

其六

其七

其八

其九

誠子書

又

誠外甥書

帖

遠涉帖

記

黃陵廟記

論

論交

論治

碑

司馬季主碑

令

軍令

又

又

兵軍要誠

說

說孫權於柴桑

寓言

又

卷之二

心書

兵機

逐惡

知人性

將材

將器

將弊

將忠

將善

將剛

將驕

將德

出師

擇材

智用

不陣

將誠

戎備

習練

軍蠹

腹心

謹候

機形

重刑

善將

審因

兵勢

勝敗

假權

哀死

三賓

後應

便利

應機

揣能

輕戰

地勢

情勢

擊勢

整師

勵士

自勉

戰道

卷之三

圖說

八陣記

八陣圖蹟

八陣圖解

八陣本始

和人

察情

將情

威令

八陣總論

彌牟八陣圖

魚復江八陣圖

八陣開門分四正四奇四冲圖

方陣圖

曲陣圖

圓陣圖

直陣圖

銳陣圖

遊騎二十四陣分屬各陣圖

騎兵滾陣圖

騎兵歸營圖

正義分配瞿塘八陣圖

通鑑分配瞿塘八陣圖

張燁分配瞿塘八陣圖

二十八宿分野

占驗

上先主

輔後主

卷之四

制器

遺事

附錄

漢先主詔

漢後主詔

又

漢楊顛書

漢馬良書

漢劉巴書

漢孟達書

魏司馬懿書

先儒語錄

言部正位文集

目

九

正誼堂

諸葛武侯文集

卷之一

儀封張伯行孝先甫訂

受業

漳浦蔡衍鏡
樂安原敬
福安吳瑞焉
壽寧柳璿

全校

吟


梁甫吟

步出齊城門遙望蕩陰里
里中有三墳纍纍正相似
問是誰家墓田疆古冶氏
力能排南山文能絕地紀
一朝被讒言二桃殺三士
誰能為此謀相國齊晏子

對

草廬策對

自董卓已來豪傑並起跨州連郡者不可勝數曹操比於
袁紹則名微而衆寡然操遂能克紹以弱爲強者非惟天
命抑亦人謀也今操已擁百萬之衆挾天子以令諸侯此
誠不可與爭鋒孫權據有江東已歷三世國險而民附賢
能爲之用此可以爲援而不可圖也荊州北據漢沔利盡
南海東連吳會西通巴蜀此用武之國而其主不能守此
殆天所以資將軍將軍豈有意乎益州險塞沃野千里天
府之土高祖因之以成帝業劉璋闇弱張魯在北民殷國



富而不知存恤智能之士思得明君將軍既帝室之冑信義著於四海總攬英雄思賢如渴若跨有荆益保其巖阻西和諸戎南撫百越外結好孫權內修政理天下有變則命一上將將荊州之軍以向宛洛將軍身率益州之衆以出秦川百姓孰敢不箝食壺漿以迎將軍者乎誠如是則霸業可成漢室可興矣

表

爲群下上漢帝請先主爲漢中王表

昔唐堯至聖而四凶在朝周成仁賢而四國作難高后稱制而諸呂竊命孝昭幼冲而上官逆謀皆馮世寵藉履國權窮凶極亂社稷幾危非大舜周公朱虛博陸則不能流放禽討安危定傾伏惟陛下誕姿聖德統理萬邦而遭厄運不造之艱董卓首難蕩覆京畿曹操階禍竊執天衡皇后太子鳩殺見害剝亂天下燹毀民物久令陛下蒙塵憂厄幽處虛邑人神無主遏絕王命厭昧皇極欲盜神器左將軍領司隸校尉豫荆益三州牧宜城亭侯備受朝爵秩

念在輸力以殉國難覩其幾兆赫然憤發與車騎將軍董承同謀誅操將安國家克寧舊都會承機事不密令操游魂得遂長惡殘泯海內臣等每懼王室大有閭樂之禍小有安定之變夙夜惴惴戰慄累息昔在虞書敦序九族周監二代封建同姓詩著其義歷載長久漢興之初割裂疆土尊王子弟是以卒折諸呂之難而成太宗之基臣等以備肺腑枝葉宗子藩翰心存國家念在弭亂自操破於漢中海內英雄望風蟻附而爵號不顯九錫未加非所以鎮衛社稷光昭萬世也奉辭在外禮命斷絕昔河西太守梁統等值漢中興限於山河位同權均不能相率咸推竇融

以爲元帥卒立效績推破隗囂今社稷之難急於隴蜀操外吞天下內殘群寮朝廷有蕭牆之危而禦侮未建可爲寒心臣等輒依舊典封備漢中王拜大司馬董齊六軍糾合同盟掃滅凶逆以漢中巴蜀廣漢犍爲爲國所署置依漢初諸侯王故典夫權宜之制苟利社稷專之可也然後功成事立臣等退伏矯罪雖死無恨

薦呂凱表

永昌郡吏呂凱府丞王伉等執忠絕域十有餘年雍闓高定偪其東北而凱等守義不與交通臣不意永昌風俗敦直乃爾以凱爲雲南太守封陽遷亭侯

前出師表

臣亮言先帝創業未半而中道崩殂今天下三分益州疲敝此誠危急存亡之秋也然侍衛之臣不懈於內忠志之士忘身於外者蓋追先帝之殊遇欲報之於陛下也誠宜開張聖聽以光先帝遺德恢弘志士之氣不宜妄自菲薄引喻失義以塞忠諫之路也宮中府中俱爲一體陟罰臧否不宜異同若有作姦犯科及爲忠善者宜付有司論其刑賞以昭陛下平明之治不宜偏私使內外異法也侍中侍郎郭攸之費禕董允等此皆良實志慮忠純是以先帝簡拔以遺陛下愚以爲宮中之事事無大小悉以咨之然

後施行必能裨補闕漏有所廣益也將軍向寵性行淑均曉暢軍事試用於昔日先帝稱之曰能是以衆議舉寵以爲督愚以爲營中之事事無大小悉以諮之必能使行陣和穆優劣得所也親賢臣遠小人此先漢所以興隆也親小人遠賢臣此後漢所以傾頽也先帝在時每與臣論此事未嘗不歎息痛恨於桓靈也侍中尙書長史叅軍此悉貞亮死節之臣也願陛下親之信之則漢室之隆可指日而待也臣本布衣躬耕南陽苟全性命於亂世不求聞達於諸侯先帝不以臣卑鄙猥自枉屈三顧臣於草廬之中諮臣以當世之事由是感激遂許先帝以驅馳後值傾覆

言表正集卷之一
受任於敗軍之際奉命於危難之間爾來二十有一年矣
先帝知臣謹慎故臨崩寄臣以大事也受命以來夙夜憂
懼恐付託不效以傷先帝之明故五月渡瀘深入不毛今
南方已定甲兵已足當帥將三軍北定中原庶竭駑鈍攘
除姦凶興復漢室還於舊都此臣所以報先帝而忠陛下
之職分也至於斟酌損益進盡忠言則攸之禕允之任也
願陛下託臣以討賊興復之效不效則治臣之罪以告先
帝之靈若無興德之言則戮允等以章其慢陛下亦宜自
謀以諮諏善道察納雅言深追先帝遺詔臣不勝受恩感
激今當遠離臨表涕泣不知所云

後出師表

先帝慮漢賊不兩立王業不偏安故託臣以討賊也以先
帝之明量臣之才故知臣伐賊才弱敵強也然不伐賊王
業亦亡惟坐而待亡孰與伐之是故託臣而弗疑也臣受
命之日寢不安席食不甘味思惟北征宜先入南故五月
渡瀘深入不毛并日而食臣非不自惜也顧王業不可得
偏全於蜀都故冒危難以奉先帝之遺意也而議者謂爲
非計今賊適疲於西又務於東兵法乘勞此進趨之時也
謹陳其事如左高帝明並日月謀臣淵深然涉險被創危
然後安今陛下未及高帝謀臣不如良平而欲以長計取

勝坐定天下此臣之未解一也劉繇王朗各據州郡論安
言計舉引聖人群疑滿腹衆難塞胸今歲不戰明年不征
使孫策坐大遂并江東此臣之未解二也曹操智計殊絕
於人其用兵也髣髴孫吳然困於南陽險於烏巢危於祁
連偏於黎陽幾敗北山殆死潼關然後僞定一時耳况臣
才弱而欲以不危而定之此臣之未解三也曹操五攻昌
霸不下四越巢湖不成任用李服而李服圖之委夏侯而
夏侯敗亡先帝每稱操爲能猶有此失况臣驚下何能必
勝此臣之未解四也自臣到漢中中間葦年矣然喪趙雲
陽群馬玉閻芝丁立白壽劉郃鄧銅等及曲長屯將七十

餘人突將無前竇叟青羗散騎武騎一千餘人此皆數十
年之內所糾合四方之精銳非一州之所有若復數年則
損三分之二也當何以圖敵此臣之未解五也今民窮兵
疲而事不可息事不可息則住與行勞費正等而不及虛
圖之欲以一州之地與賊持久此臣之未解六也夫難平
者事也昔先帝敗軍於楚當此時曹操拊手謂天下已定
然後先帝東連吳越西取巴蜀舉兵北征夏侯授首此操
之失計而漢事將成也然後吳更違盟關羽毀敗秭歸蹉
跌曹丕稱帝凡事如是難可逆見臣鞠躬盡力死而後已
至於成敗利鈍非臣之明所能逆覩也

彈廖立表

長水校尉廖立坐自貴大臧否群士公言國家不任賢達而任俗吏又言萬人率者皆小子也誹謗先帝疵毀眾臣人有言國家兵眾簡練部伍分明者立舉頭視屋憤咤作色曰何足言凡如是者不可勝數羊之亂群猶能為害况立託在大位中人以下識真偽邪

又

立奉先帝無忠孝之心守長沙則開門就敵領巴郡則有闇昧關茸其事隨大將軍則誹謗譏訶侍梓宮則挾双斷人頭於梓宮之側陛下即位之後普增職號立隨比為將

軍面語臣曰我何宜在諸將軍中不表我為卿止當在五校臣答將軍者隨大比耳至於卿者正方亦未為卿也且宜處五校自是之後快快懷恨亮廢立為民徙汝山郡立躬率妻子耕殖自守聞亮卒垂泣曰吾終為左袒矣後監軍姜維率偏師經汝山請立稱立意氣不衰言論自若立遂終於徙所

請宣大行遺詔表


伏惟大行皇帝邁仁樹德覆燾無疆昊天不弔寢疾彌留今月二十四日奄忽升遐臣妾號咷若喪考妣乃顧遺詔事惟太宗動容損益百寮發哀滿三日除服到塋期復如禮其郡國太守相都尉縣令長三日便除服臣亮親受勅戒震畏神靈不敢有違臣請宣下奉行

彈李平表

自先帝崩後平所在治家尚為小惠安身求名無憂國之事臣當北出欲得平兵以鎮漢中平窮難縱橫無有來意而求以五郡為巴州刺史去年臣欲西征欲令平主督漢中平說司馬懿等開府辟召臣知平鄙情欲因行之際偏臣取利也是以表平子豐督主江州隆崇其遇以取一時之務平至之日都委諸事群臣上下皆怪臣待平之厚也正以大事未定漢室傾危伐平之短莫若褒之然謂平情在於榮利而已不意平心顛倒乃爾若事稽留將致禍敗是臣不敏言多增咎

臨終遺表

伏念臣賦性拙直遭時艱難興師北伐未獲全功何期病在膏肓命垂旦夕伏願陛下清心寡慾約己愛民達孝道於先君布仁心於寰宇提拔隱逸以進賢良屏黜奸讒以厚風俗臣家成都有桑八百株薄田十五頃子孫衣食自有餘饒臣身在外別無調度隨時衣食悉仰於官不別治生以長尺寸臣死之日不使內有餘帛外有盈財以負陛下也



臣以弱才叨竊非據親秉旄鉞以厲三軍不能訓章明法
 臨事而懼至有街亭違命之闕箕谷不戒之失咎皆在臣
 授任無方臣明不知人料事多闕春秋責帥臣職是當請
 自貶三等以督厥咎

疏

街亭自貶疏

臣以弱才叨竊非據親秉旄鉞以厲三軍不能訓章明法
 臨事而懼至有街亭違命之闕箕谷不戒之失咎皆在臣
 授任無方臣明不知人料事多闕春秋責帥臣職是當請
 自貶三等以督厥咎

上事疏

臣先遣孟琰據武功水東司馬懿因渭水漲以二十日出
 騎萬人來攻琰營臣作車橋越水射之賊見橋垂成便引
 兵退

詩書正修文集卷之一
 五言堂
 詩書正修文集卷之一
 五言堂

公文

公文上尙書

平爲大臣受恩過量不思忠報橫造無端危耻不辨迷罔
 上下論獄棄科導人爲姦俠情志狂若無天地自度姦露
 嫌心遂生聞軍臨至西嚮託疾還沮漳軍臨至沮復還江
 陽平叅軍孤忠勤諫乃止今篡賊未滅社稷多難國事惟
 和可以克捷不可苞含以危大業輒與行中軍師車騎將
 軍都鄉侯臣劉琰使持節前軍師征西大將軍領涼州刺
 史南鄭侯臣魏延前將軍都亭侯臣袁繼左將軍領荊州
 刺史高陽鄉侯臣吳壹督前部右將軍佗鄉侯臣高翔督

後部後將軍安樂亭侯臣吳班領長史綏軍將軍臣楊儀
督左部行中監軍揚武將軍臣鄧芝行前監軍征南將軍
臣劉巴行中護軍偏將軍臣費禕行前護軍偏將軍漢成
亭侯臣許允行左護軍篤信中郎將臣丁咸行右護軍偏
將軍臣劉敏行護軍征南將軍當陽亭侯臣姜維行中典
軍討寇將軍臣上官雖行中叅軍昭武中郎將臣胡濟行
叅軍建義將軍臣闔晏行叅軍偏將軍臣麴習行叅軍裨
將軍臣杜義行叅軍武畧中郎將臣杜祺行叅軍綏戎都
尉臣盛勃領從事中郎武畧中郎將臣樊岐等議輒解平
任免官祿節傳印綬符策削其爵土

議

正議

昔在項羽起不由德雖處華夏秉帝者之勢卒就湯鑊爲
後末戒魏不審鑿今次之矣免身爲幸刑在子孫而二三
子各以耆艾之齒承僞指而進書有若崇竦稱葬之功亦
將偪于元禍苟免者邪昔世祖之創迹舊基奮羸卒數千
摧莽疆旅四十餘萬於昆陽之郊夫據道討滯不在衆寡
及至孟德以其譎勝之力舉數十萬之師救張郃於陽平
勢窮慮悔僅能自脫辱其鋒銳之衆送喪漢中之地深知
神器不可妄獲旋還未至感毒而死子桓滯逸繼之以篡

縱使二三子多逞蕪張詭靡之說奉進躡兜滔天之辭欲以誣毀唐帝諷解禹稷所謂徒喪文藻煩勞翰墨者矣夫大人君子之所不為也又軍誠曰萬人必死橫行天下昔軒轅氏整卒數萬制四方定海內况以數十萬之衆據正道而臨有罪可得干礙者哉魏司徒華歆司空王朗尚書令陳羣太史令許芝謁者僕射諸葛璋各有書與亮陳天命人事欲使舉國稱藩亮皆不報乃作正議一篇以見志云

絕盟好議

權有僭逆之心久矣國家所以畧其釁情者求掎角之援也今若加顯絕讐我必深便當移兵東戍與之角力須并其土乃議中原彼賢才尚多將相輯穆未可一朝定也頓

兵相持坐久而須老使北賊得計非策之上者昔孝文卑辭先帝優與吳盟皆應權通變弘思遠益非匹夫之為分者也今議者咸以權利在鼎足不能并力且志望已滿無上岸之情推此皆似是而非也何者其智力不侔故限江自保權之不能越江猶魏賊之不能渡漢非力有餘而利不取也若大軍致討彼高當分裂其地以為後規下當畧民廣境示武於內非端坐者也若就其不動而睦於我我之北伐無東顧之憂河南之衆不得盡西此之為利亦已深矣權僭之罪未宜明也

諡葬甘皇后議

皇思夫人履行修仁淑慎其身大行皇帝昔在上將嬪配
作合載育聖躬大命不融大行皇帝存時篤義垂恩念皇
思夫人神柩在遠飄飄特遣使者奉迎會大行皇帝崩今
皇思夫人神柩已到又梓宮在道園陵將成安厝有期臣
輒與太常臣賴恭等議禮記日立愛自親始教民孝也立
敬自長始教民順也不忘其親所由生也春秋之義母以
子貴昔高皇帝追尊太上昭靈夫人爲昭靈皇后孝和皇
帝改葬其母梁貴人尊號曰恭懷皇后孝愍皇帝亦改葬
其母王夫人尊號曰靈懷皇后今皇思夫人宜有尊號以
慰寒泉之思輒與恭等案謚法宜曰昭烈皇后詩曰穀則
異室死則同穴故昭烈皇后宜與大行皇帝合葬臣請太
尉告宗廟布露天下具禮儀別奏

悉納然與此四子終始好合亦足以明其不疑於直言也
勸將士勤攻已闕教

大軍在祁山箕谷皆多於賊而不能破賊為所破者則此
病不在兵少也在一人耳今欲減兵省將明罰思過校變
通之道於將來若不能然者雖兵多何益自今以後諸有
忠慮於國但勤攻吾之闕則事可定賊可死功可躋足而
待矣

獎姚佃教

忠益者莫大於進人進人者各務其所尚今姚掾並存剛
柔以廣文武之用可謂博雅矣願諸掾各希此事以屬其

望

答蔣琬教

思惟背親捨德以殄百姓衆心既不隱於心實又使遠近
不解其義是以君宜顯其功舉以明此選之清重也

琬為東曹掾舉茂
才琬固讓亮答之

亮開
府薛

作斧教

前後所作斧都不可用前到武都鹿角壞刀斧千餘枚賴
賊已走間自令作部刀斧百枚用之百餘日初無壞者余
乃知彼主者無意宜收治之非小事也若臨敵敗人軍事
矣

作七首教

作部作七首五百枚以給騎士

作鎧矛教

勅作部皆作五折剛鎧十折矛以給之

步軍教

若賊騎左右來至徒行以戰者陟嶺不便宜以車蒙陣而待之地狹者以鋸齒而待之

與叅軍掾屬教

任重才輕故多闕漏前叅軍董幼宰每言輒盡數有諫云雖性鄙薄不能悉納幼宰叅署七年事有不至至於十反

有忠於國如幼宰亮可以少其過也

稱蔣琬教

公琰託志忠雅當與我共贊王業者也

稱董厥教

董令史良士也吾每與之言思慎宜適

黜來敏教

將軍來敏對上官顯言新人有何功德而奪我榮資與之邪諸人共憎我何故如是敏年老狂悖生此怨言昔成都初定議者以爲來敏亂羣先帝以新定之際故遂含容無所禮用後劉子初選以爲太子家令先帝不悅而不忍拒

也今上卽位吾聞於知人遂復擢爲將軍祭酒違議者之
審見背先帝所疎外自謂能以敦厲薄俗帥之以義今旣
不能表退職使閉門思愆

書

爲法正答或問書

主公在公安北畏曹操之強東憚孫權之偏近則懼孫夫
人生變於肘腋當斯之時進退狼跋法孝直爲之輔翼令
翻然翱翔不可復制如何禁止孝直使不得行其意邪

答關雲長書

孟起兼資文武雄烈過人一世之傑黥彭之徒當與翼德
並驅爭先猶未及髯之絕倫逸羣也

羽聞馬超來降本非
人才可誰比亮知其
意爲答此書羽大悅

與杜微書



服聞德行饑渴歷時清濁異流無緣咨覲王元泰李伯仁
 王文儀楊季休丁君幹李永南兄弟文仲寶等每嘆高志
 未見如舊猥以空虛統領貴州德薄任重惓惓憂慮朝廷
 主公今年始十八天資仁敏愛德下士天下之人思慕漢
 室欲與君因天順民輔此明主以隆季興之功著勲於竹
 帛也以謂賢愚不相為謀故自割絕守勞而已不圖自屈
 也微先為劉璋從事以疾去官先主定蜀微稱聾閉門不
 出亮領益州牧遜迎皆妙簡舊德以微為主簿微固辭
 輦而致之亮以微不
 聞人語于坐上與書

答杜微書

曹丕篡弒自立為帝是猶土龍芻狗之有名也欲與羣賢

因其邪偽以正道滅之怪君未有相誨便欲求還於山野
 丕又大興勞役以向吳楚今因丕多務且以閉境勸農育
 養民物竝治甲兵以待其挫然後伐之可使兵不戰民不
 勞而天下定也君但當以德輔時耳不責君軍事何為汲
 汲欲求去乎微自乞老病求歸亮又與書
 答之拜諫議大夫以從其志

答李恢書

行當離別以為惆悵今致鸞旣一以達心也

與劉巴書

劉公雄才盖世據有荆土莫不歸德天人去就已可知矣
 足下欲何之

又與劉巴論張飛書

張飛雖實武人敬慕足下主公方今收合文武以定大事足下雖天素高亮宜少降意也

答李巖書

吾與足下相知久矣可不復相解足下方誨以光國戒之以勿拘之道是以未得默已吾本東方下士誤用於先帝位極人臣祿賜百億今討賊未效知已未答而方寵齊晉坐自貴大非其義也若滅魏斬獻帝還故居與諸子並升雖十命可受况於九邪巖與亮書勸亮宜受九錫進爵稱王亮答之

又

吾受賜八十斛今蓄財無餘妾無副服

與張裔書

君昔在陌下營壞吾之用心食不知味後流進南海相為悲歎寢不安席及其來還委付大任同獎王室自以為與君古之石交也石交之道舉讐以相益割骨肉以相明猶不相謝也况吾但委意於元儉而君不能忍邪亮北住漢中欲用裔為留府長史問楊洪對曰裔天姿明察性不公平恐不可專任不如留向朗初裔子為洪吏微過受罰裔以為恨時或疑洪自欲作長史或知裔自嫌不願裔處要職後裔與司監校尉岑述不和至于忿恨亮與裔書論者由是明洪私無

又與張裔書

諸葛氏文集卷之十一 三 正宜堂

言書正使文集 卷之一
去婦不顧門妻非不入園以婦人之性少萊之情猶有所
耻想忠壯者意何所之

與張裔蔣琬書

姜伯約忠勤時事思慮精密考其所有永南季常諸人不
如也其人涼州上士也

時亮辟姜維爲倉曹掾加奉義將軍

又

須先教中虎步兵五六千人姜伯約甚敏於軍事既有膽
義深解兵意此人心存漢室而才兼於人畢教軍事當遣
詣宮觀見主上

又

令史失賴玄掾屬喪楊顥爲朝中損益多矣

與張魯書

靈仙養命猶節松霞而享身嗜味奚能尙道

與蔣琬董允書

孝起前臨至吳爲吾說正方腹中有鱗甲鄉黨以爲不可
近吾以爲鱗甲但不當犯之耳不圖復有蘓張之事出於
不意可使孝起知之

孝起陳震字

與孟達論李嚴書

部分如流趣捨罔滯正方性也

答法正書

君知其一未知其二秦以亡道政苛民怨匹夫大呼天下
土崩高祖因之可以弘濟劉璋闇弱自焉以來有累世之
恩文法羈縻互相承奉德政不舉威刑不肅蜀土人士專
權自恣君臣之道漸以陵替寵之以位位極則賤順之以
恩恩竭則慢所以致弊實由于此吾今威之以法法行則
知恩限之以爵爵加則知榮榮恩並濟上下有節爲治之
要于斯而著矣

亮刑法峻急法正諫曰昔高祖入關約法三章秦民知德今君假借威力跨據一州初有其國未垂惠撫且客主之義宜相降下願緩刑弛禁以尉其望故荅之

與步騭書

僕前軍在五丈原原在武功西十里馬塚在武功東十餘

里有高勢攻之不便是以留耳

與李豐書

吾與君父子戮力以獎漢室此神明所聞非但人知之也
表都護典漢中委君於東關者不與人議也謂至心感動
終始可保何圖中乖乎昔楚卿屢誑亦乃克復思道則福
應自然之數也願寬慰都護勤追前闕今雖解任形業失
故奴婢賓客百數十人君以中郎叅軍居府方之氣類猶
爲上家若都護思負一意君與公琰推心從事者否可復
通逝可復還也詳思斯戒明吾用心臨書長歎涕泣而已

初亮以李嚴子豐爲江州都督命嚴以中都護署府事嚴改名平亮軍祁山平催督運事值天霖雨運糧不繼呼亮

來還軍退乃更陽驚軍糧饒足何以便歸又表後主說軍詐退欲以誘賊亮出其前後書疏表廢為民又教與平子豐後聞亮卒發病死平常冀亮當自補復策後人不能故以憤激也

與孟達書

往年南征歲未及還適與李鴻會於漢陽承知消息慨然永歎以存足下平素之志豈徒空託名榮貴為乖離乎嗚呼孟子斯實劉封侵陵足下以傷先主待士之義又鴻道王冲造作虛語云足下量度吾心不受冲說尋表明之言追平生之好依依東望故遣有書達與劉封不和叛歸魏至漢陽縣降人李鴻詣亮言孟達許適見王冲從南來言往者達之去就明公切齒欲誅達妻子賴先主不聽耳達盡不信冲言委仰各公無復已已亮將北伐欲誘達為外援乃與達書達得書數相交逼欲叛魏魏遣司馬懿征之

即朝

與陸遜書

家兄年老而恪性疎今使點主糧穀糧穀軍之要最僕雖在遠竊用不安足下特為啟至尊轉之恪為亮兄瑾之子孫權置節度官典

掌軍糧將用恪亮與遜書遜以白權即轉恪領兵

與孫權書

漢室不幸王綱失紀曹賊篡逆蔓延及今皆思勦滅未遂同盟亮受昭烈皇帝寄託之重敢不竭力盡忠今大兵已會於祁山狂寇將亡於渭水伏望執事以同盟之義命將北征共靖中原同匡漢室書不盡言萬希昭察

又與孫權書

所送白毳薄少重見辭謝益以增愧

與兄瑾書

兄嫌白帝兵非精練到所督則先主帳下白毳西方上兵也嫌其少也當復部分江州兵以廣益之

又

前趙子龍退軍燒壞赤岸以北閣道緣谷一百餘里其閣梁一頭入山腹其一頭立柱於水中今水大而急不得安柱此其窮極不可疆也

又

頃大水暴出赤岸以南橋閣悉壞時趙子龍與鄧伯苗一戍赤岸屯田一戍赤岸口但得緣岸與伯苗相聞而已

又

有綏陽小谷雖山崖絕重溪水縱橫難用行軍者邏侯往來要道通人今使前軍斫治此道以向陳倉足以扳連賊勢使不得分兵東行者也

又

孝起忠純之性老而益篤及其贊述東西歡樂和合有可

貴者

震爲衛尉入與賀孫權踐祚亮與瑾書

又

既受東朝厚遇依依於子弟又子喬良器為之惻愴見其所與亮器物感用流涕

孫松字子喬權弟子為射聲校尉卒亮與瑾書

又

殷往嗣秀才今之僑胥者也

殷禮字往嗣吳郡雲陽人通占候張溫與入蜀亮見歎曰

東吳菰蘆中乃有奇偉如此人與瑾書

又

喬本當還成都今諸將子弟皆得傳運思惟宜同榮辱今

使喬督五六百兵與諸子弟傳於谷中

喬字伯松亮兄瑾之子亮先未有子

求喬為嗣拜駙馬都尉

又

瞻今已八歲聰慧可愛嫌其早成恐不為重器耳

亮子瞻字思遠

建興中亮出武功與瑾書瞻後為衛將軍赴鄧艾戰死

誠子書

夫君子之行靜以修身儉以養德非澹薄無以明志非寧靜無以致遠夫學欲靜也才欲學也非學無以廣才非靜無以成學惰慢則不能研精險躁則不能理性年與時馳意與日去遂成枯落多不接世悲守窮廬將復何及

又

夫酒之設合禮致情適體歸性禮終而退此和之至也主意未殫賓有餘倦可以至醉無致於亂

誠外甥書

夫志當存高遠慕先賢絕情欲棄疑滯使庶幾之志揭然有所存惻然有所感恣屈伸去細碎廣咨問除嫌吝雖有淹留何損於美趣何患於不濟若志不疆毅意不慷慨徒碌碌滯於俗默默束於情永竄伏於凡庸不免於下流矣

帖

遠涉帖

師徒遠涉道路甚艱自及褒斜幸皆無恙使還馳此不復具

記

黃陵廟記

僕躬耕南陽之畝遂蒙劉氏顧草廬勢不可卻計事善之於是情好日密相拉總師趨蜀道履黃牛因覩江山之勝亂石排空驚濤拍岸歛巨石於江中崔嵬噴吼列作三峯平治涿水順遵其道非神扶助於禹人力奚能致此耶僕縱步環覽乃見江左大山壁立林麓峯巒如畫熟視於大江重復石壁間有神像影現焉鬢髮鬚眉冠裳宛然如彩畫者前豎一旌旗右駐一黃犢猶有董工開導之勢古傳所載黃龍助禹開江治水九載而功成信不誣也惜乎廟

貌廢去使人太息神有助禹開江不事鑿斧順濟舟航
當廟食茲土僕復而興之再建其廟號日之曰黃牛廟以
顯神功

論

論交

勢利之交難以經遠士之相知溫不增華寒不改葉貫四
時而不衰歷夷險而益固

論治

治世以大德不以小惠故匡衡吳漢不願為赦先帝亦言
吾周旋陳元方鄭康成間每見赦告治亂之道悉矣曾不
語赦也若劉景升季玉父子歲歲赦宥何益於治

令

軍令

敵以來進持鹿角兵悉却連衝後敵已附鹿角裏兵但得
進踞以矛戟刺之不得此住起住妨弩壞

又

連衝陣狹而厚也

又

始出營堅矛戟舒旛旗鳴鼓角三里辟矛戟結旛旗鳴鼓
角未至營三里復堅矛戟舒旛旗鳴鼓角復結旛旗鳴鼓
角違令者髡

兵軍要誠

枝葉疆大比居同勢各結朋黨競進儉人有此不去是謂
敗徵

說

說孫權於柴桑

海內大亂將軍起兵據有江東劉豫州亦收衆漢南與曹
操共爭天下今操芟夷大難畧已平矣遂破荊州威震四
海英雄無所用武故豫州逃遁至此將軍量力而處之若
能以吳越之衆與中國抗衡不如早與之絕若不能當何
不按兵束甲北面而事之今將軍外託服從之名而內懷
猶豫之計事急而不斷禍至無日矣權曰苟如君言劉豫
州何不遂事之乎亮曰田橫齊之壯士耳猶守義不辱况
劉豫州王室之胄英才蓋世衆士仰慕若水之歸海事之

言正傳文集 卷之一
不濟此乃天也安能復爲之下乎權勃然曰吾不能舉全
吳之地十萬之衆受制於人吾計決矣非劉豫州莫可以
當曹操者然豫州新敗之後安能抗此難乎亮曰豫州軍
雖敗於長坂今戰士還者及關羽水軍精甲萬人劉琦合
江夏戰士亦不下萬人曹操之衆遠來疲敝追豫州一
日一夜三百餘里此所謂強弩之末勢不能穿魯縞也故
兵法忌之曰必蹶上將且北方之人不習水戰又荊州之
民附操者逼兵勢耳非心服也將軍誠能命猛將統兵數
萬與豫州協規同力破操軍必矣操軍破必北還如此則
荊吳之勢強鼎足之形成成敗之機在于今日權大悅卽

遣周瑜程普魯肅等水軍三萬隨亮詣左將軍併力拒操

寓言

我心如秤不能爲人作輕重

又


昔孫叔敖乘馬三年不知牝牡稱其賢也

諸葛武侯文集

卷之一

三

正言堂



Faint vertical text in seal script, possibly bleed-through from the reverse side of the page.

